

度

嶺

草

30

~~40~~


30



度嶺州



卷緒中西印
琴於廣州節



度嶺草

奉新許振禱仙屏

銜

命使粵乞假展墓為留二十日親舊依依枉顧紀

恩撫事輒成絕句二十六首錄呈知好并上家兄兼勉子姪

一時離緒悉具此篇

大澤村西一老農乞身未許罷衰庸山泉依舊清如許

澗愧林慙莫照容

不成報

國祇蹉跎霜露松楸積痛多萬里天涯望祠

度嶺草

墓可憐有淚已成河

天書昨日促南征先壟經過謁告行

九陞叩頭臣萬死敢

將銜結矢生生

負米曾無一日奉陟山祇益萬端哀不及人間田牧子

年年麥飯上墳來

荆樹當年茁五枝貧家鞠子仗親慈顯揚敬養諸兄了

愧殺遲生不孝兒

先光祿公年五十伯兄已入翰林仲兄叔兄悉力持家至不孝鄉舉先太

夫人已不及見迨視學關隴光祿公亦不能就養矣

中山邸第是瞻園蹇劣曾叨守大藩官閣聯牀莫迴首

三人中祇兩人存

先是雲生伯兄與福卿四兄先後抵江寧藩署徧遊金陵諸勝今伯兄化

去樓咽
難堪

壽骨人誇是弟兄不攜鳩杖笑相迎養生盡廢諸家說

飽食飛行歷後生

福卿四兄年登八十三而健步如五十許人

抵掌清談到夜闌兄酬弟勸特加餐兒孫莫忘兩翁語

要識高曾創業難

頃日得與四兄朝夕把談而轍卿子梅子貞建章星章諸姪率諸姪孫皆

同侍側

世緣遮盡付東風不使繁囂溷乃公男治詩書女勤織

等閒一笑撫兒童

兄耳稍重聽亦不甚也

度嶺草

二

五十年前愴舊情向余歷指五羊城幅巾曾下元戎榻

何止郵籤記水程

粵東爲四兄舊遊地寧陽黃石琴先生撫粵嘗招兄入署晤談

阿大中郎比屋居封胡過未復彬如百年儘食先人德

莫負當年積慶餘

諸從孫多有自余出門後生者今已長成秀逸

出身容易保身難他日兒郎弗慕官看我老牛鞭不動

更將何術下危灘

吾宗愛我互開筵少長依依話酒邊穀賤年荒官賦重

不堪彫敝異當年

族中丁口稍盛而生事益艱

簷花靜落夜冥冥舊事悽涼不忍聽一別交親遽如此

淚珠傾似雨淋鈴

宦久不知鄉事聞親朋零落
有慘出意外者傷懷久之

少年同學化爲塵白首歸來少故人惟有鄧林

鄧君子
臨廣文

并石友

帥君石
生廣文

相逢仍保歲寒身

齊年兩友宦西川

宋君芸圃同年
帥君小舫同年

治行都爲眾所傳八

十歸田談舊事

謂小翁

舒郎努力著鞭先

石如明府姪
婿行卽入川

彭侯

伯

平地作飛仙趙子

岐熊郎甫

亦自賢清絕玉芝

園裏客各摩白眼望青天

桃李花飛柳覆隄新秧一碧翦初齊勞生飽受黃塵沈

今日歸尋菴畫谿

抵家適當春暮鄉村風物正盛此時
笋蕨亦可飽啖皆在官夢想所難致

度嶺草

三

也

嘗記歸舟載石偏六朝遺物寶當年一卷那復興雲雨

合伴山農老澗邊

洛陽姚魏銷沈盡尙有曹州五色霞準擬花時供一醉

主人花發復辭家

盡收風物入南樓樓下花光倒影流作箇主人仍是客

不知添得許多愁

園中旖
樓最勝

卅載經營農圃事湛虛觀側有漁莊丹楓烏柏紅千樹

夢裏秋容醉幾場

余治西莊頗費心力又治湛虛觀以
爲課耕之地他時卜居卜葬不待外

求子孫當
世守也

爲傳風水渡江難家住南州亦暫安數載梁園歎存沒

老夫懷抱未從寬

時眷屬暫
寄南昌

劉葆直編修滯東吳李文石觀察

北平宦遊疇與話衷情海南幸

有於陵子

陳逸山
戶部

別久應憐太瘦生

百花洲畔是東湖湖上春光似畫圖昔日青衫騎馬客

心情耗盡問尊鱸

南浦雲陰朝不開西山雨勢暮還來似將倦客畱三宿

觸撥離憂首重回

度嶺草

四

山谷有過家上冢二詩明叔知縣和之余過家上冢與

山谷同去家二十年又同山谷詩云歸來翻作客顧

影良自哂是亦同復出也今射洪鍾侯澤生實宰吾

縣文采佳政不減明叔輒因山谷韻賦過家上冢二

篇仍呈鍾侯求和正焉

戒徒出嶺海改役謝河運扁舟下江南得與故鄉近窮

年苦思歸一歸百憂盡眼望柳榆懷鬱散畦畛勞我

父兄黨先期召賓親鍾侯今文翁一見不余哂舉觴勸

醅顏顧影愧衰鬢皇天洗征塵春雨崩成陣幸覘比屋

安誇尹言可信烹羊且爲樂拊頂徧髻亂問我出何爲
所爲不及寸

右過家

中年失奉親衰白復違壘展謁荷

天慈宰木已高拱兒罪無可追鼎俎恪將奉平生罔極恩腸
斷奚補痛雖經驅坂險未遂投絨勇風萍浮江濤何時
定號洵當官無物望恐負百城重他日賦歸與藻蘋可
躬供

右上冢

度嶺草

五

過廬陵城下作

天華山下吉州城六月曾同采芑行三十九年尋戰壘

暮雲收笛可勝情

咸豐八年曾忠襄進攻吉
安駐軍天華山招余從事

大蘇不作小蘇逝

謂文正忠
襄二公

幕府風流遂渺然四海更

無青眼舊白頭如夢過青原

一灣才過一灣迎碧嶂清江繞峽行往復縈迴歐陽子

廬陵山水是文情

老泉稱歐公文紆徐委備往復百
折自成一子其得於山水者然乎

先皇昔日採巖阿名郡知名宿士多今日彫疏同甲盡黃墟

碧草奈愁何

已未同榜吉安多知名
士且多至契而今盡矣

贛州荅劉杉庵孝廉次韻

樗散曾嗤出曲轅晚塗仍未臥邱園喜懼夢斷還鄉驛
惶恐灘馳上水旃久以不材名四海豈能相士似平原
鬱孤臺下天連水奔合雙流到酒尊
東風黯黯雨如塵已有哀鴻望指困碧草將愁蔓先薰
浮雲如病絆勞身煙花三月垂垂老秧水平田處處春
不負風光惟痛飲與君俱是望鄉人

三月廿四日女夫高岳生帥鍾泰馮應光宋昭麟外孫
夏承紀與兒子恩緝送余至市汊而別爲道先世并

度嶺草

六

及家事舉可行者以告之得絕句二十首

久客思還家還家復度嶺豈不惜恩恩已多幸
先人量十世祇畏誠子孫言立如南山故有不亡存
一徑趨松門哀伏心悄悄愧非返哺人但聞返哺鳥
風急兩解嚴雲罷山出次蒼顏若肅容知我意中事
西眺陶公巖南望白雲寺讀書雖未能是我昔遊地
身自田間來素習田家事亦恐老歸田昏昏市井氣
種松滿澗壑作濤荅秋風天籟入琴絃誰寫送飛鴻
田澗生夜涼官私兩鼓吹西谿月更明緩步攜客至

春宵響機絲秋蟲急促織學子若蒙頭亦豈無慙色
五畝樹以桑十里有客來冬青烏柏栗一一皆可材
朱公霸越成歸作養魚經煙波有歲計其言非逕庭
吾家內外郎如萬鎰在璞急歸求其師光陰速飛電
我少從兒嬉失學遂無成久病頗知病口瘡告後生
東鄰富裘馬西鄰考鐘鼓夸者方自雄劬人賤如土
力田望逢年百思不一遂稍知出蠹簡五窮早已避
幽蘭百世芳我思曾祖祖此非韋布歟天爵守如虎
吾母敕諸兒抵死弗干人汝曹能習此葛屨生陽春

度嶺草

七

吾老憐諸童餘事不挂眼能來倘速來寶我破硯產
端居傷哀樂當務畏糾擾尙賴古人言排愁出塵表
揮手江天別船窗得暫問夢中殊不爾夜夜玉芝山

寄題嚴雨農明府詩卷

猗玗山人詩一卷當時京洛讀未徧我方坐看蝸書梁
君亦七閩走爲縣投荒未幾故人死咫尺風雲望中變
從誰遺草問浩然惟我平生知曼倩一蠡滄海苟不存
百鍊精金枉自擅當時文字冷如灰積歲光陰忙似箭
今年我指越王城令子飄零復相見手持巨帙導我言

我言豈足爲貴賤雄詞驚喜嗣風騷粹語曾不雜封禪
固知郅鼎世共寶何況龍劍天所眷惟君少日舉高科
不逢宣室召時彥眼中落落復能幾世上紛紛疇可戀
駉蛩固是交莫逆燕雁分飛遊早倦披尋一過輒復還
流傳萬本應驚善嚴侯嚴侯君倘知我歌以此序君詩
才大著書謀不朽惟君不負撚髭時

吉顛道中思仰王文成公慨然作詠并序

王文成宗臣也以書生巡撫南贛途次聞宸濠叛不
動聲色檄上游府縣各率鄉兵聽指揮一舉破城一

度嶺草

八

戰擒賊雖古之善言兵而久訓練者不是過也雖然
其成功有天有人天者天生聖賢豪傑之資若靳其
表著無成不可也人者則資人以傳風雲者也若關
臣樞臣不爲推轂超用與超用而不假以旗牌則其
功卒不得就觀公平賊諸疏多歸美於楊王主持似
稍過當然亦見英雄殊不欺人及後日張方一薦而
桂萇沮之終不入朝至僅辦大藤峽一役而退且終
道路然則文成成功其固知天知人者與

王公名世姿一出軒天地平生洙泗學頗用孟氏意豈

徒齊民安舉天下可試偶持頁知說安知非有爲齊黃
從正學不救宗社墜所以要仁術仁術出何自惟公一
等人能作一等事張目憎俗徒魚貫竊高位甚思挽銀
河一洗清廟器窮則授諸徒達則取之笥終然撫雙江
一吐如虹氣山洞縛蠻酋江頭捉老魅於人膽驚落公
視若無異聿歸朝廷美漸畏時人忌持比龍場時不動
心無二口碑江水流石碑廬山淚紀功竹難罄何者敢
妄議妄議終非公千秋可獻歛

成都亦時相晉溪稍寡色獨能容真儒一舉可活國公

度嶺草

九

時視二子信矣強有力不能商國事奚可辦國賊賊濠
落公手二子信之亟所以假符節不慮事權逼奈何桂
竊位更用文仲策補天與伐蠻輕重奚翅百至今取楊
王殊不爲世惑鼎鐘公自有差附用賢績勞勞蒼梧返
大星近易簣張方公豈藉何況桂螯賊

南康弔周念慈觀察

周侯名父子曾隨豫章節不鄙豫章民復就州縣列起
家舉廉孝爲邦秉明哲湖東過我談抵掌至落月側聞
宰南康安集先耕墾俄頃大盜來東南龍戰血豫章十

三郡十一賊窟穴獨公忠信黔大呼目皆裂釋未願從
公憤極氣不折果然戰必勝蟻賊不難滅扶傷盡奔跳
不敢再膏鉞從此南康城堅鑄九州鐵度南兩州地千
里不宛艱大府上其勛繡衣袞偉烈公又眷斯民不去
慰臥轍豈知擒豺虎曾未防蠓蟻一朝肆彼兇表裏相
啞齧幸蒙天鑒昭官清不可峨公書牘背歸落落高嶂
嶼時論儘多公委曲豈盡雪吾嘗從信史紀實爲公碣
曩官京師雷州潘孺初陳逸山兩戶部惠州鄧鐵香京
卿論交最篤今聞潘鄧皆下世故人僅逸山存耳感

度嶺草

十

歎昔遊作五小詩先寄逸山用山谷酒渴愛江清韻
寡與得三豪心醉甚中酒白眼傲俗徒意各圖不朽吾
早知鄧陳庸敬在潘叟潘叟晚益奇相見酌三斗
三日不相見朝飢怒如渴抽舌吐長虹滔滔換燭跋誰
知天下士莫保霜前髮歸鷗不回首作計淡生活
鄧侯志補衮山立實忠愛諫草落人間少好果多怪潘
陳故深許世論肯相貸一夢羅浮雲挂冠行所悵
潘子百僚底聞譽無與雙閭相故深知晚見心益降可
憐潘子心早五湖三江吾攀猶不及稍出楚狂腔

陳侯信儒俠其才似馬卿高浪捲百川金石終潔清交
遊四十年未厭我同盟行將去龐公無高北山名

東湖王鼎丞觀察同年自金陵用東坡祭字韻賦詩見
懷且爲側室銘墓三年奔走三河未暇和荅今次韻

補呈二首

人才求全難得子非獲半二曾鑒九流亦以絕倫歎烏
衣之子孫玉立不可玩得時卽雄飛失路可雲散三年
秣陵城於我規老伴乖離欲面論坐起待天旦風雨暗
關河簿書叢几案公獨縱風帆顛簸了不亂莫愁一湖

度嶺草

十一

水招起鐘山盥亦念高陽徒寄書不容緩果持數州節
神明還舊貫久鬱起爲霖渴者急疲懦還當斬亂絲一
鼓洪鑪炭政成可太常績美付儒館拭目盼嘉除百城
待君暖吾終附知言貽句博齒祭

曩余讀公文一覽將及半肯來揚側陋高義益驚歎由
來碑版奇非可珠翠玩鐫華付石墨隨手四方散果遇
識曲眞百索走儔伴斯文如黃鐘不比雞號旦公言誠
不朽吾罪或免案拏舟欲往從淮流未可亂緘書走飛
驛香薰而露盥吁嗟美製作醫俗亦和緩且可通治民

其道一以貫吾嘗學未成所見祇衰懦今逢瀧吏訕欲
荅類吞炭不如抱遺經逕於公乎館識字作老農耦耕
可飽暖且謀比屋鄰莫效登樓粲

江上懷文石

解纜荒江獨爾思篷窗高枕雨如絲一麾馳驛五千里
孤艇懷賢十二時應有夢魂飛嶺海更誰開口去毛皮
河梁六載傷心地不忍因君感別離

平原濁世佳公子巾拂都薰蘭茝香人知不知氣蕭灑
身仕未仕鬢蒼浪歌詞自作同北地觀化今可傲蒙莊

度嶺草

汝南月旦私題品未有文遊似子狂

南安寄開封太守吳丈

仲愉

落帆大庾城因訪大庾事稍聞父老言盡高吳公誼吳
公賢邦伯官此亦偶寄惟有入人深其仁非漫試我出
吳公門得此重獻歛因思公本末十可記一二公昔禁
林傑補外豈初志曾不陋斯民概以鄒魯類緬惟洞鑿
多前代尤險誠幸有姚江賢恩威一日備至今化鋤耨
千里不列燧吳公東海來所學同集義側聞折梅詠不
侈治蒲異有時指膝下謂兩童國器公孫產此邦早挾

食牛氣補天願活國一疏身反累公子吏河南治平仍
寡二偉哉兩鳳鳴豈不爲時瑞文章世其家何止遺愛
嗣令聞有自來鴻舉當不次吾詩亦昌言匪以交私饋
寄題黎喟園詩集

言笑如昨日驚呼遂古人不堪梁苑客走問孟家鄰獨
學難爲善遺書託所親可憐埋劍地宿草更傷神
古道謝時輩窮交篤友生孤寒羣有涕儒俠不求名偶
作江頭飲依然物外情卽論百世事此筆可橫行

少日膺多難中年兀老蒼豈無人欲殺自信我非狂仙

度嶺草

三

謫逢知己

謂文

崧高當故鄉獨慙虛置榻一老去堂堂

苦憶前遊盛從君幕府歡風騷殊有作天地若爲寬百
劫存詩卷三河老釣竿達人諸謝述德未應難

廣州次邱先庚工部

逢甲韻

射虎弓藏氣不春間來援筆復如神東溟未厭滄桑苦
南紀終依日月新去國虞翻如避地下簾嚴叟且全真
茲行莫效橫流歎畱與升平作幸民

鼉憤龍愁訴未清包胥七日豈忘情忍矜弱水能全渡
誰遣蚩尤作五兵精衛有心終有恨監河無貸卽無成

揚塵清淺何須問碁局中心總不平

一篇瀧吏是真知老病終思乞敝帷擬問屠鯨奇士略

怕聞碩鼠樂郊詩旅愁入夜隨潮長鄉信經秋落雁遲

留子天南豁懷抱愧將鈍句和王維

桂南屏太史站以其尊人吳庭同年遺集惠貺兼枉嘉

篇賦謝

昔共清都接俊遊晚聞黃綬早歸休著書幽渺窮三古

使氣縱橫壓萬流遺稿本無封禪佞儒林羣謂法言優

遼東仙鶴歸何似況復生兒匹仲謀

度嶺草

古

鄧鐵香鴻臚承修之子忠國明自惠州來訪賦贈

侍御投章萬目驚當時燕雀各收聲誰知燕趙悲歌客

都挾江湖澹蕩情潘子孺初落蠻傳禮樂陳侯逸山畫

壁傲公卿勞余歲晚來相訪已是交親半死生

令子東來天馬駒人言文采似於菟海濱幽子定誰友

家世清芬今豈殊往事重論十年舊高才思屈萬夫無

羅浮異境從君問他日山遊德不孤惠州德有鄰堂坡公自書也

蔡荷溪同年屬題所藏襄陽單文恪師遺簡余亦襄陽

門下士也感歎綴句

共有程門淚從君灑峴山白雲去天上寶墨落人間百
越甘棠樹三吳玉筍班近聞傳所學載得口碑還
昔在襄陽日寰區望作霖沙堤入相晚江國受恩深一
顧空凡馬同心或斷金緬懷羊太傅爨下起悲吟
劉谷懷司馬以其先武愼公手書先正粹言屬題

乃公治國如治兵綸巾緩帶安百城乃公學書如學道
抗心希古坐忘老早著青袍作選人失時與我同儔倫
忽然江海有反覆從此風雲八州督削平羣盜掃羶腥
手清楚粵還 朝廷真儒退敵輒講學大臣遇事宜引

度嶺草

五

經與作南樓風月主不如事業窺泉禹廣州運甓亦偶
然何似誠懸筆諫苦晚鎮西南天盡頭仁風吹出大觀
樓朝朝緝言誠人吏始知剛正平生事墜石奔雷不足
驚顏楊抗手方平行篆勢縈迴文字好後有千年爲世
寶勉旃令子思烈考

次韻再答先庚

悲秋如此抵傷春斫地歌哀亦損神萬里波臣天外至
百年人事眼中新逝將去汝從誰適未免猶吾歎是真
悽斷蓬萊赤松子飛車何處訪遺民

越臺風物晚淒清難遣
乘桴海客情鶉首夢來都是醉
犀渠從此莫談兵
固知鴻廡能借隱惟有鳴夷解變名
愁甚不妨思一笑扶餘他日倘功成

奇才豈易受人知
蛋雨蠻風儘注帷箕子明夷仍樂土
坡公說鬼有新詩
稻梁歲晚飛鴻急關塞途長去馬遲
不用治庖輕一試待扶輿極冥天維

南安文卓峯太守炳屬題其先蘭坡中丞所臨顏書冊

子

風帆劈滄江昨夜虹貫月不期南安城賢守出先笏

君家

度嶺草

六

本鄭司農後隸入旗籍

三絕世其家簡牘抑末節維非晉梁秦府

公有蔭樾繼起得聯珠遺墨寶先烈長綯走蛟虬虛堂
灑蘭雪森然鏘古色眼中驚突兀鯁生獨何幸瞻仰得
先哲荷令綴語言愧未習書設書固不易知知亦未易
說俗士侈專門赤手趨虎穴腕無羲之鬼貌或中郎竊
平原爭坐稿樞者日躑跪賈勇若孟賁庸粗乃魏勃及
觀公所作神入內史窟得顏所自來屋漏釵可折不爲
古人貌因得古人骨翩翩遵渚鴻落落陵波載後人通
其意此筆當不掣君家傳世則屹立書林傑吾終悔失

詞述川求渡筏

廣州使署中秋宴集呈陳逸山戶部劉葆真太史朱墨

香司馬馮恩江明府黃階平陳伯常兩明經

瘴霧如山一掃開海風吹月上池臺高寒玉宇今何夕

會合金尊客自才鼓角邊愁催白髮蠻蠻秋語和青苔

姮娥應有明河望難遣人間鐵笛哀

衡芳閣女士亦廣州人今化去六年矣

恩江明府親家屬題所藏曾文正師察吏疏稿真蹟

后皇命冢宰法柄馭羣吏盡發夾袋珍用光揚廷義爲

度嶺草

七

天下得人可備君子器由來砥柱尊能拯四維墜緬昔
咸同朝太傅實莘渭赤手縛猘獠聞風走魑魅厥初澄
其瀾餘波漑倫類一洗乾坤囂庶展平生志我昔侍師
旃觀公靖郊燧功成不自居名大身反累儘鑄萬人豪
莫安一日位及乎

顯廟末隆任資歷試一麾江海清再止河淮沸始歎用眞儒

鼎鐘何足貴兩戒歸一匡吳都歛三至翼軫斗艾牛郡

國三百計東南禹揚州雲夢吞若澮令行不斯須萬里

扇和氣安人在德爾惟良爲上瑞豈知出苦心披采慎

榛桂每鞭蹊田牛必進軼羣驥開門萬戶卧中有激揚
治不矜祐甫薦自流子產涕嗚呼公爲邦政成仁不次
噦笑猶見思遺澤更獻猷此稿不銷沈一若神所衛蛟
龍岌相纏光采照百世馮侯私淑傑得寶快揚袂咨嗟
哲人作傾倒賢不蔽謂余亦知言俛以歌詩綴吾觀四
座肅懦立頑以勵生不識相君曷觀文與字

漫興

高邱遠海一銷魂極目千郊與萬村孔翠雲霄叨右地
爰居鐘鼓饗東門虛疑市里能觀蜃尙有橋梁待鶴龜

度嶺草

六

陸賈辯才吾所斥若爲歸報更何言

飄梧策策雨浪浪蟋蟀清吟奏夜堂桂管少遊追夢蝶
榕城老去牧仙羊愁看薏苡明珠熟間倚枕椰秋樹涼
莫向潮州投舊檄鱷魚今不是尋常

縮地仙人術可修摸金校尉勢難休風驅閣道七千里
雲簇戈船十二樓卜式東來新用事營平西去老能謀
燕齊士論雷同起欲采黃花近酒甌

素馨花發玉鈎斜南漢園荒水一涯小吏異軍能霸越
清時四海自爲家虎關鵬嶺虛天險戍鼓邊旌老歲華

但酌貪泉羣覺爽久聞名利鬪墓龜

五層搖落古時臺吹動西風萬里來曲突徙薪人不見
當機恤緯爾何哀神功聖德畱荒服天馬雲鵬望異才
昨過曲江祠下拜開元前事足低徊

貞元朝士苦無多莫奏南來水調歌歸馬有時難悉罷
聞雞中夜復如何誰爲溫嶠追陶侃含笑任囂教趙佗
安得更求吳道子高堂十丈寫降魔

重九東園登高宴集用坡公九日韻呈黃季度舍人陳
逸山戶部劉葆真太史諸君

度嶺草

九

曲江山水自蒼涼與客行遊澗谷香望眼蕭疏重九節
旅懷搖落大千光曾文正公勉門下客句云其扶元氣
迴陽九各放光明照大千至今愧負
此流連尊俎南荒外眷戀觚棱北斗旁又爲徂年感悽
凜短歌微歎不能長

歌舞岡頭夕照涼
桃柳葉落桂花香
何人秋動雲旗興
與子高瞻嶺樹光
南國市朝疑海外
西風節物又籬旁
朋遊各有登臨感
誰似山林孔令長
逸山農部爲作東園九日宴集圖疊韻戲贈
陳侯斗酒博西涼
雞舌曾含漢署香
忽有山川生腕底

遽從珠玉發毫光幼輿真合著巖側顛米誰呼起座旁
老去鄭虔容一笑御爭四海畫師長
吳中尹仰衡太守劉葆真太史吳孟斐孝廉同集越臺
各製東園登高宴集圖序復疊前韻奉簡

高人飛渡海雲涼笑攬滄洲蘅杜香九日寒花詩境界
三吳文學客輝光欲呼屈宋爲衙吏不厭荆高和市旁
滕閣才名君未忝又吟秋水與天長

黃季度中翰之母張太恭人七十介壽俞太宜人節孝
得旌詩

度嶺草

三

扇枕遙傳江夏賢 天褒分貺北堂前敬姜老有神明
壽周母勞深佐從年蘭玉香環鳩杖側月霜光皎燕樓
篇不須比擬臺萊頌二室長輝斗極邊

綠鬢斑衣一俊人掖垣歸覲壽顏春范滂名重知因母
毛義親榮合致身賢節自爲天下瑞聲聞多感海南民
從今饗報施行馬豈學牛醫備隱淪

次韻和荅孟斐孝廉

君耽翫易北窗涼綴緝羣言蠹簡香漫上越臺作蠻語
御餐山滌飲湖光新篇示我皆秋色至寶憑誰愕道旁

清夜摩挲龍劍在斗間已看燭天長

再和孟棗重九越秀懷古

侘臺無樹起風涼漢苑空傳嬉水香桑海百年沈霸氣
菊觴九日感時光飛鴻霜信吳山外繁杵商聲越嶺旁
倦客天涯還極目故應併入旅愁長

瓊山邱松樵明府

寶森
挽詩

金筑當年網俊人得君名譽滿城闈但收蟠木輪囷異
豈識良材骨相屯一日文遊情繾綣殊方久別事酸辛
卽今又愴龍蛇厄盡寄傷懷到海濱

度嶺草

三

天南河北鬱相望宦轍沈淪事可傷方見明珠還合浦
遽聞哀旆返黔岡生能知命廉勤甚仕不逢年感歎長
幸有州民懷舊德桐鄉朱邑未應忘
哭挽恩江司馬親家仍用前九日韻

急足驚傳啟手涼故人來炷影前香平生作令如彭澤
垂死還家共孟光再世得名詩卷重一經教子座銘翁
人間此別成終古惟有交親感歎長

昨和新詩九日涼等間一夕便埋香歸從先壟詎非孝
吏失斯人不復光鄉思宦情同嶺外稽詞阮旨記壚翁

臨危撤瑟全無語後死傷心慮正長

送棟真太史還朝仍用前韻

海門寒雨送新涼上客還朝惹御香再出碧雞金

馬使儘懸冰鑑玉壺光枚生秋有觀濤作臣朔星原侍

帝旁若問東南鯤壑靖爲言有道

聖圖長

十年心迹共清涼離合頻聞譽望香矯矯凌雲三禮賦
搖搖照夜一珠光海南地北還相念酒賦琴歌可在旁
惟我閒思近時事涓埃無補道途長

度嶺草

三

3

